



Broj: 01-481-2 /16

Datum: 31. XII 2016.

Na osnovu člana 108. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05“), člana 21. stav (3) tačka c) i stav (5) tačka f) u vezi sa članom 6. stav (2) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16) člana 70. u vezi sa članom 19. stav (1) i članom 24. Zakona o javnim nabavkama („Službeni glasnik BiH“, broj 39/14) – u daljem tekstu: Zakon i preporuke Sektora za podršku Ministarstva unutrašnjih poslova Kantona Sarajevo, u postupku javne nabavke dodatnih radova na rekonstrukciji pritvorskih jedinica, putem pregovaračkog postupka bez objave obavještenja o nabavci, ministar unutrašnjih poslova Kantona Sarajevo, d o n o s i:

## **ODLUKU**

### **o izboru najpovoljnijeg ponuđača za izvođenje dodatnih radova**

#### **I**

Na osnovu odluke, broj 01-481/16, od 29.12.2016. godine, pokrenut je postupak nabavke dodatnih radova na rekonstrukciji pritvorskih jedinica Ministarstva unutrašnjih poslova Kantona Sarajevo.

#### **II**

Na osnovu izvještaja o provođenju pregovaračkog postupka bez objave obavještenja o nabavci i preporuke Komisije za javne nabavke roba, vršenje usluga i ustupanje radova Ministarstva unutrašnjih poslova Kantona Sarajevo, dodjeljuje se ugovor o izvođenju dodatnih radova, ponuđaču Interming doo Sarajevo. Vrijednost ponude iznosi 6.150,92 KM sa PDV-om.

#### **III**

Ova Odluka stupa na snagu danom donošenja.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: +387 (0) 33 286-701, Fax: +387 (0) 33 226-445  
Sarajevo, La Benevolencija br.16



## Образложење

Na osnovu odluke, broj 01-481/16, od 29.12.2016. godine, u vezi sa odlukom, broj 01-220/16, od 28.04.2016. godine, nakon provedenog konkurentskog zahtjeva za dostavu ponuda za „Izvođenje radova na rekonstrukciji dijela objekta Druge PU MUP-a Kantona Sarajevo“, za LOT 5 – rekonstrukcija pritvorskih jedinica, pokrenut je postupak nabavke za izvođenje dodatnih radova. Nakon provedene tenderske procedure, po konkurentskom zahtjevu, izabran je najpovoljniji kvalifikovani ponuđač Interming doo Sarajevo, a na osnovu odluke, broj 01-287/16, od 13.06.2016. godine, sačinjen je ugovor o izvođenju radova, broj 01-369/16, od 26.07.2016. godine. Vrijednost ugovora je 30.946,21 KM sa PDV-om. S obzirom da su se u međuvremenu javili dodatni neophodni i neodložni radovi za Ugovorni organ koji nisu bili uključeni u prvobitno razmatrani projekat i zaključeni ugovor, i koji se kao takvi ne mogu tehnički i ekonomski odvojiti od osnovnog ugovora bez većih nepogodnosti za ugovorni organ, stekli su se uslovi za provođenje pregovaračkog postupka bez objave obavještenja.

S tim u vezi a imajući u vidu da vrijednost dodatnih radova može iznositi maksimalno do 20% od vrijednosti osnovnog ugovora, pribavljena je ponuda od strane ponuđača Interming doo Sarajevo, ul Ferde Hauptmana br. 7, Sarajevo, ID broj 4201112590005. Uslovi ponude su sledeći: Vrijednost ponude 6.150,92 KM sa PDV-om, garancija na radove 12 mjeseci, rok izvođenja radova po dogovoru sa investitorom, način i rok plaćanja – po ispostavljenoj konačnoj fakturi.

Uzimajući u obzir gore navedeno a shodno članu 24. tačka a) Zakona Komisija je sačinila izvještaj, od 30.12.2016. godine i dostavila preporuku ministru, da donese odluku o izboru najpovoljnijeg ponuđača i zaključi ugovor sa dobavljačem Interming doo Sarajevo, kome je dodijeljen osnovni ugovor, za izvođenje dodatnih radova, pod uslovima iz gore navedene ponude.

Cijeneći naprijed navedeno riješeno je kao u dispozitivu.

### POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom. 99. i 101. Zakona o javnim nabavkama.



MINISTAR  
Zoran Mulabdić

### DOSTAVITI:

1. Sektoru za podršku
2. Ponuđaču
3. Odjeljenju za odnose s javnošću radi objave na web-u
4. a/a